



«Sirdaryo IES» АЖ  
таъсисчилари ва рахбариятига

**«Sirdaryo IES» АЖнинг 2020 йил учун тузилган молиявий ҳисоботини  
аудиторлик текширувидан ўтказиш натижаларига кўра мустақил  
АУДИТОР ХУЛОСАСИ**

**Фикр**

Бизнинг фикримизча, илова қилинган молиявий ҳисоботлар «Sirdaryo IES» АЖнинг 2020 йил 31 декабрь санасига бўлган молиявий ҳолатини, кўрсатилган санада тугаган йил мобайнидаги унинг молиявий натижаларини барча муҳим жиҳатларда Бухгалтерия ҳисобининг миллий стандартлари (БҲМС)га мувофиқ ҳаққоний акс эттиради.

**Аудит предмети**

Биз АЖнинг ўз ичига қуйидагиларни олувчи молиявий ҳисоботлари аудитини ўтказдик:

- 2020 йил 31 декабрь ҳолатига бўлган Бухгалтерия баланси;
- кўрсатилган санада тугаган йил учун тузилган Молиявий натижалар тўғрисидаги ҳисобот.
- кўрсатилган санада тугаган йил учун тузилган Пул оқимлари тўғрисида ҳисобот;
- кўрсатилган санада тугаган йил учун тузилган Хусусий сармоя тўғрисида ҳисобот.
- ҳисоб сиёсати аҳамиятли қоидаларининг қисқача тавсифи ва бошқа изоҳловчи маълумотлар.

**Фикр билдириш учун асос**

Биз аудитни Аудитнинг Халқаро Стандартларига мувофиқ ўтказдик. Ушбу стандартлар молиявий ҳисоботлар жиддий бузиб кўрсатишларга эга эмаслигига етарли даражадаги ишончга эга бўлишни таъминловчи аудиторлик текширувини режалаштиришни ва ўтказишни тақозо этади.

Мазкур стандартларга кўра бизнинг мажбуриятларимиз “Молиявий ҳисобот аудити учун аудиторнинг масъулияти” номли бўлимда баён қилинган.

Биз аудит жараёнида олган аудиторлик далилларини ўз фикримизни билдиришда асос сифатида таяниш учун етарли деб ҳисоблаймиз.

**Мустақиллик**

Биз аудит қилинаётган тахририятга нисбатан бухгалтерлар учун ахлоқ стандартлари бўйича Халқаро Кенгаш томонидан профессионал бухгалтерлар учун ишлаб чиқилган Ахлоқ кодексига мувофиқ ва «Sirdaryo IES» АЖнинг молиявий ҳисоботлари аудити бўйича ахлоқий талабларга нисбатан мустақил ҳисобланамиз ва мазкур талаблар ҳамда Ахлоқ кодексига тегишли бошқа мажбуриятларни бажардик.

**Мухимлик**

Ўтказилган аудиторлик текширувини кўламини аниқлашга муҳимлик даражасини қўллаш ўз таъсирини кўрсатган. Аудит текширилаётган молиявий ҳисобот муҳим бузиб кўрсатишларга

эга эмаслиги юзасидан оқилона ишонч хосил қилишга йуналтирилган.

Мухим бузиб кўрсатишлар жамият ходимларининг фаолият давомида амалга оширган ноқонуний ҳаракатлари ва хатоликлари натижасида юзага келиши мумкин.

Мухимлик даражасини аниқлашда биз халқаро амалиётда қўлланилаётган услубиётга асосланган ва аудитор ҳисоботида илова қилинган ҳисоб китобни амалга оширдик ва жамиятнинг 2020 йил учун аудиторлик текшируви жараёнида тузатилган молиявий ҳисоботлари бўйича унинг даражасини 15 000 000 (Ўн беш миллион) сўм қийматида деб белгиладик.

#### **Аудитнинг муҳим саволлари**

Аудитнинг муҳим саволлари - булар бизнинг профессионал мулоҳазамизга кўра жорий даврлар учун тузилган молиявий ҳисоботлар бўйича муҳим аҳамиятга эга бўлган саволлардир. Мазкур йуналишда биз эътиборимизни жамиятнинг активлари, мажбуриятлари, хусусий капитали, даромадлари, харажатлари, солиқ тўловлари, соф фойдаси ва унинг ишлатилишини урганишга қаратдик ва аудитор ҳисоботида бу борада ўз фикримизни билдирдик.

#### **Бошқа ахборот**

Аудитни ўтказиш жараёнида текширилган молиявий ҳисоботлар ўртасида муҳим зиддиятлар бор йўқлигини аниқлаш ва жамиятда қонунчиликка риоя қилинишини ўрганиш мақсадида бошқа молиявий ҳамда номолиявий маълумотлар билан танишиб чиқилди ва улар билан молиявий ҳисобот кўрсаткичлари ўртасида муҳим зиддиятлар мавжуд эмаслигига ишонч хосил қилинди.

Бу борада жамият раҳбариятига молиявий ҳисобот шаклларида бўлган жамият баланси маълумотларини фойдалилигини янада ошириш ва уни расмийлаштириш борасидаги маълум талабларни тўлиқ бажариш учун унинг тегишли сатрида ҳисобот даврининг боши ва охирига мавжуд бўлган муддати ўтган дебиторлик қарзлари тугрисидаги маълумотларни акс эттирилиши лозимлиги таъкидланди.

#### **АЖ фаолиятини бошқариш ва молиявий ҳисобот учун раҳбар шахсларнинг масъулияти**

АЖ раҳбарияти мазкур молиявий ҳисоботни Бухгалтерия ҳисобининг миллий стандартларига мувофиқ тайёрлаш ва ҳаққоний тақдим этиш, шунингдек фирибгарлик ёки хато тўғрисида юзага келган муҳим бузиб кўрсатишлардан холи молиявий ҳисоботларни тайёрлаш учун зарур деб ҳисоблайдиган ички назорат тизимини таъминлаш учун жавобгар бўлади.

Бошқарув юклатилган шахслар молиявий ҳисоботни тузиш жараёнида жамият яқин келажақда ўз фаолиятини узлуксиз давом эттира олиши қобилиятини баҳолаши, тегишли ҳолатларда узлуксиз фаолиятга тегишли маълумотларни очиб бериши учун масъул ҳисобланадилар.

Бунга АЖни тугатиш, унинг фаолиятини тўхтатиш ёки бу ҳаракатларни амалга оширмасликнинг бошқача ечими топа олмаган ҳолатлар бундан мустасно.

#### **Молиявий ҳисобот аудити учун аудиторнинг масъулияти**

Бизнинг мақсадимиз аудит қилинаётган молиявий ҳисобот ноҳўя ҳаракатлар ва хатолар таъсиридаги муҳим бузиб кўрсатишлардан холи эканлигига оқилона ишонч хосил қилиш ва ўз фикримиз баён этилган аудиторлик ҳулосасини эълон қилишдан иборат.

Оқилона ишонч ишончининг юқори даражаси бўлсада, АХСларига мувофиқ ўтказилган аудит молиявий ҳисоботда мавжуд бўлган муҳим бузиб кўрсатишларни барчасини аниқлаш имконини бермайди.

Бузиб кўрсатишлар алоҳида ёки жамлама ҳолда мазкур молиявий ҳисобот асосида фойдаланувчиларни иқтисодий қарор қабул қилишларига таъсир кўрсатса ноҳўя ҳаракатлар натижаси деб қаралади ва муҳим бўлиб ҳисобланади.

Аудиторлик текширувини ўтказишнинг барча жараёнларида биз АХС га мувофиқ профессионал мулоҳазани қўллаган ва профессионал скептицизмни сақлаган ҳолда ҳаракат қилдик.

Аудиторлик текшируви жараёнида биз қуйидагиларни бажардик:

- АЖ масъул шахсларининг номакбул харакатлари ва хатолари таъсирида молиявий хисоботда бузиб кўрсатишларнинг мавжудлиги rischi даражаси аниқланди;
- аудит таомилларини белгилаш мақсадида жамиятдаги ички назорат тизими тўғрисида тушунчага эга бўлинди;
- жамиятнинг ҳисоб сиёсати ўрганиб чиқилди ва уни корхона фаолиятига мос келишлик даражасига баҳо берилди;
- жамият фаолиятини узлуксизлиги борасидаги раҳбар шахсларнинг баҳоларнинг ҳақиқатга мос келишлиги тугрисида хулоса қилинди;
- текширилаётган молиявий хисобот буйича фикр билдириш учун етарли аудиторлик далилларини йиғилганлигининг даражаси ўрганилди.
- молиявий хисобот, унинг таркиби ва мазмуни тўғрисида олинган маълумотларга умумий баҳо берилди ҳамда унинг ҳаққоний тақдим қилинганлиги даражасига фикр билдирилди.

Бундан ташқари аудиторлик ёзма ахборотида жамият раҳбариятига жамиятдаги мавжуд ҳисоб ва назорат тизимини янада такомиллаштириш борасидаги фикрларимизни баён қилдик ва жамият молиявий ҳолати таҳлили бўйича амалга оширган ҳисоб китобларимизни тақдим этдик.

  
**Баймуратов Х. В.**

Директор, Аудитор,  
 Малака сертификати № 05405,  
 амал қилиш муддати: 20.08.2021 й.

**Аудиторлик ташкилотининг манзили:**

141100, Самарқанд шаҳри,  
 Кўксарой майдони 1 уй

Аудиторлик ташкилоти 1998 йил йил 30 июлда  
 513-сон билан давлат рўйхатидан ўтган. Ўзбекистон  
 Республикаси Молия Вазирлиги томонидан 2019 йил 9  
 апрелда янгиланган 00796 - сонли лицензияга эга.



**Хулоса тузилган сана:**

**2021 йил «30» апрел**

№ \_\_\_\_\_